



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita Et Virtvtibvs R. P. Bernardi Colnagi E Societate
Jesv Libri Dvo**

Paullin, Johannes

[Monachii], 1662

Cap. XVII. Sincera animi demiſio, etiam dæmonibus formidata.

urn:nbn:de:hbz:466:1-44152

CAPUT XVII.

*Sincera animi demissio, etiam da-
monibus formida-
ta.*

§. I.

Raram esse avem ajunt, modestiam cum ingenio conjunctam; quæ scilicet hominem excellenti prædictum intellectu suimet faciat contemptorem, ut quò altius illum extollit scientia, eò se profundiùs ipse deprimat: quare Bernardus, ut inter Phœnices ingeniiorum id temporis habitus est, ita & inter absolutæ virtutis Phœnices non injuriâ haberi potuit. Non hic afferam ea, quæ nostris hominibus communia sunt; humili cibum sumere, accumbentium pedes exosculari, de cathedra se ipsos accusare, peregrè adventantium lavare pedes, aliisque id genus, quæ Bernardus non siccâ consuetudine, sed maximo pietatis mode stiæque sensu factitabat.

*Demissionē animi se-
tatur non vulgarem.*

Vox, vestis detrita, & nunquam fere nova, lacera, refecta, angusta, vultus, incessus omnia profundam hominis demissionem

lo.

loquebantur: qui etsi supra modum excelsi
esset animi, nihil tamen sibi tribuit; & quam-
quam virtutis ac doctrinæ famâ excellereret,
tantum absuit, ut fastu turgens supra cere-
ros eminere vellit, ut etiam infra omnes se
abijceret; omnium Magister, postremum
minimūmque omnium se ferret; & jam
grandior natu, haud secus ac tiro, vix heri do-
mum ingressus, ad infima quæque munia à *A summis*
summis, solo majorum nutu, ne dicam im- *ad infima*
pejio, transferri gauderet. quod sanè perfre- *deiectus*
quenter eveniebat, Deo sic moderante, & *munia.*
modestiæ Bernardi tam solennes multipli-
césque sese abijciendi occasionses singulari
studio gratificante.

§. II.

Atque eò quidem profunda animi de- *Futurus*
missio Bernardum pertraxerat, ut in eorum *domestica*
censum, qui ad domestica familæ mini- *rei admint-*
steria admittuntur, venire percuperet: idq; *ster & sera*
totis viribus jam conabatur, non destiturus, *vus, si li-*
cuisset. Moderatorum sapientia & Patrum ali-
quis divino nutu hisce consilijs intercessis-
fer.

Se nihil esse, fuisse, & futurum, non *Maximum*
ineleganti epitaphio vivus ipse sibi occi- *se peccatore*
nuit. Unde non mirum fuit, quod non *estimari.*
modò

modò duplex asinus, appicto in calce epistolarum gemino AA, sed etiam pro magno peccatore, quem se ex animo judicabat, à cunctis haberi percuperet, hoc sibi nomen velut proprium arrogaret, litterisque subscribere in more positum haberet. Eam ob rem aliorum preces tanquam sceleratus aliquis impensè flagitabat. Româ Catanam ad velatas Deo Virgines hisce verbis proximam claudit epistolam. Per amaram, & parce à me amatam mei vestrique Christi Passionem precor, ut pro Bernardo Colnago miserabili, cæco, clando, congelato, rebelli & fætido peccatore, qui vobis scribit, oreatis. Nolite, quæso, vestris mihi precibus decesse, pro impetranda felici mortis hora: nolite me destituere in illo extremo articulo, quem vehementer timeo; quia tam grandi & justo Iudici reddenda est ratio. Non intermittite, quæso: non intermittite hoc facere, ita per viscera, & Vulnera Christi IESV vos oro. Româ 22. Octob. 1604. Servus undequaque inutilis Bernardus Colnagus Societatis IESV.

§. III.

Res ipse suas quanti faceret, alia ejusdem epistola satis supérque docet. Jussus enim nobiles ingenij sui partus publici jū-

is facieando prælo dare, assignato in eam
rem librario, ad Vincentium Matrese Nea-
polim anno 1598. scripsit his ipsis verbis.
Pater noster Generalis scripsit, ut attenderem
parandis (ad typum scilicet) reculis meis, i-
deoque scriptorem assignavit. Verum, quam
sunt decepti! Vereor partum montium. Do-
minus IESVS dulcissimus omnia promoveat,
dirigat, perficiatque in gloriam suam Amen.
Nobis vero nihil nisi confusio faciei nostræ,
qui nihil sumus &c.

Neque dissonabant à verbis facta. Per-
sæpe ab imperitis divinarum rerum cen-
toribus verbis factisque male acceptus inter ^{pro stulto}
contumelias triumphabat, & pro stulto ha-
bitus non modicè gestiebat. Etsi verò
sanctitatis famâ inclitus, omnique virtutum
genere ornatus perfectæ vitae palmam aliis ^{Religiose}
bene multis præriperet; sùa tamen senten- ^{indignum}
cia ne quidem religioso cœtu sibi dignus ^{cœtu se in-}
videbatur.

§. IV.

Ex eadem modestia factum est, ut ju-
nundius ei esset cum insimæ sortis homini- Cum infi-
bus consuelcere, quam Magnatum consol- mæ sortis
rio admoveri; & totos sæpe dies pauperū hominibus
turmas, rudemque plebeculam vel parvulo- agere gan-
rum ^{det.}

Y

rum

338 LIBER II.
rum greges ad pietatem formare, divinis
erudire præceptis gauderet.

§. V.

*Pro media
stino se ge-
rit.*

E suggesto ad culinam properè trans-
finito se ge- ibat, gallinis cibum paraturus, ut se magis
rit. aptum pascendis animalibus, quām dīvī
verbi pane mortalibus alendis idoneum de-
monstraret. Domum, stabulūmque verren-
do à sordibus repurgare honorificum sibi
ducebat. Et vero hac sui despicientia non
sibi tantūm, sed & alijs persæpe profuit.
Forcè in mulionem inciderat, qui quōd a-
fellum sub ingenti sarcina collapsum en-
gere non posset, cælum cælitésque sacrilegis
laceſſebat vocibus. Hunc ab impio furo-
re ut revocareret, operam suam locavit, ma-
num virésque commodavit, jumentum in-
pedes erexit, ac tum demum, quod in De-
um injurius fuisseret, suaviter seriōque repre-
hendit, qui mox pœnitudine ductus, & ex
blasphemo Bernardi admirator factus, quod
illi nomen esset, quæſivit; cūmque Patet
nomen suum edere nollet, Angelum DЕI
appellavit, & quocunque iret, summis
laudibus supra homines eve-

xit.

§. VI.

§. VI.

Ruebat furore præceps nonnemo, ut hostem illico jugularet. Hunc adortus ^{Sua demis-}
ter brevi in potestate habuit, & gravissimis ^{sione iratū}
^{mitigat.} verbis mansuetum, ut ignosceret, atque offensam ex animo oblitteraret, feliciter induxit: itaque hanc sui tam luculentam in furente victoriā adeò Bernardus noster suspexit, ut aëtutum in genua dejectus, pe-
dibus illius oscula impresserit,

§. VII.

Porrò splendidos honorum titulos fa-
mamque ceu pestem aversabatur, & ultro ^{Honores}
accursantes docte callidēque fugitabat. ^{declinat.}

Panormi sanè is de Bernardi modestia populi sensus fuit, ut dicerent non pauci, illum Panormo abiisse, quòd tantæ plebis admirationi, Nobilitatis, quæ venerationis ergò accedebat, frequentiæ, & decanitatæ passim Sancti hominis appellationi amplius ferendæ non esset. Supremam illi dignitatem obtulerat Illustris quidam, & intra præcipios Religiosorum ordinum magno suo merito semper habitus (quem nominare nihil attinet) si à Clericali, ut ajunt,

ad Monasticam transire vitam adlubet,
at ille eā se cruce, respondit, quam quadra-
tus in capite pileus referret, plus satis de-
coratum, eāmque sibi idcirco præ regio
diademate charam esse & pretiosam.

§. VIII.

Ad hæc et si per hominum ora vol-
tabat, magnaque passim honoris significa-
tione excipiebatur; laudes tamen plausum-
que humanum ipse sibi in ludibrium, pœ-
Se ipsum
severè in
crepat.
námque vertit. Romæ aliquando sic pœ-
ludum jocumque, dum lectum sibi compo-
nit, ipse secum sermocinari auditus est.
Sterte tibi lectum, Bernarde, & vide ut sit
molliculus: multum sudoris hodie profudisti,
quando pro concione ad miraculum dixisti, mi-
mirum nisi me vehementer fallo, Bernarde
sopportet te virum esse cumprimis magnum.
Quos ex cathedra & suggesto emittis doctrina
radios, iij nobilissima Italie ingenia sibi de-
vinciunt, dum perstringunt. Vides ut non
Principes colant, & Cardinales ambiant? non-
ne ergo glorioſos laboris & operæ fructus col-
ligis? Amicitia Concionatoris, qui in admira-
tionem sui præcipuas Italie cathedras rapuit,
non deboneſtat purpuram, ſed ornat. Tot
Præſules, qui ad te audiendum conſtuiunt, &
ut

ut officijs certent , etiam intra privatos pa-
netes ad te invisunt ; quid aliud fibi volunt ,
quam te inter summos huius ævi sapientes
acensendum ? Ubi verò se ipsum ita jocula-
ter inflatum ad sidera evexit , mox arro-
gantiæ vindicta acerrimus infra brutas ani-
mantes se abjecit. Itane , ajebat , scelustum ca-
put , intumescis ! ita de te , homuncio vilissime ,
grandia , tibi per somnum fingere audes ? ô te
infici ruris insultum pecus ! indignum etiam
in hominum numero accenseri . Hem ! ego te
docebo Asine , in hoc lectulo non recumbes . ad
stabulum cum ejusmodi bestijs , ad stramen &
paleas . Et cum dicto paleam straménq ; ore
masticavit , ut se jumento non absimilem
meminisset ; tum collocatis in grabato
Crucifixi J E S V Divique Antonij statuis ;
Dominus , inquit , in lecto sit ; servum humili-
tare decet . atque ita in pavimento se ad
quietem composuit .

§. IX.

Quin & non levis se reum culpæ cen-
suit , quando insolitas honoris significatio-
nes segnius avertit . Accidit forte , ut à Pur-
purato quodam , supra consuetum morem ,
magnis amoris & reverentiæ signis exce-
puis , minùs ipse fortius defugeret hono-

Y 3

rem ,

rem, lentiūsque deprecando ab Eminentissimi Viri humanitate se vinci pateretur. Eam ob rem sibi graviter succensuit, domumque redux, veluti jumentum, contemptum è stabulo fœnum ore identidem masticavit, ut scilicet deinceps nullam fœno deberi gloriam meminisset.

*Perfectam
sui ipsius
notitiam
indeptus.*

Hac arte, ac perpetuo sese demittendi studio tam perfectam sui cognitionem dedeptus est, ut ab inanis gloriæ blandimentis nihil omnino timeret, & nec quidem unquam vel modicè titillaretur.

S. X.

Monenti aliquando, parciūs ut mira, quæ Deus per ipsum operabatur, in vulgo spargeret, candidè sancteque asseruit: sibi cum vana suimet existimatione nec prima esse tentamenta pugnæ. Se nempe tam imbecillem esse, ut Deus, ne quæ forcè à tam molli hoste oppugnatus succumberet, pugnandi necessitatem amoliatur. Patri Claudio Aquavivæ interroganti, num Dei donis aliquid tumoris sentiret, in hac verba respondit. Si Paternitas Vestra pretiosa alijs vasa ostenderet, quæ Principes viri, ejus fidei credita deposuissent, haberentne, unde aliquid gloriæ venaretur?

*Ab inanis
gloriæ ti-
tillatione
securus.*

profectò nec ego habere possum, qui quid-
quid est in me boni, non nescio Numinis
esse; non meum: imò verò illud vanæ glo-
riæ aucupium, ego maximam vesanæ men-
tis ignominiam censeo. Unde nec pulvisci-
lus superbiæ, quod equidem Deo in acce-
ptis referto, mihi adhærexit. Cùm DEI po-
tentiam rebus insolitis quandoque perpetra-
nis forte manifesto: id facio, quod in scena
tragœdus, qui ut Imperatoris agat personam,
dum pro arbitratu quidvis imperat, nihil
suo nomine, sed ejus, quem repræsentat, au-
thoritate juber. Et est profectò ad præsi-
gnam Dei gloriam, omnibus palam fieri, il-
lum meā vilissimi homuncionis opellà uti,
& rudissimo omnium instrumento tam
grandia conficere.

§. X I.

Sub annum 1607. Romæ pro con-
cionē dicebat Bernardus. confluxerant ergo *Honorem*
ad eum audiendum ex Purpuratorum Sena-
tu *non sibi,* Præfulūmque numero permulti. Hi per-
sed religiose vesti ex-
saepē ex suggesto descendenti, ne ab irru-
ente ad vestium basiationem turba preme-
set. *hibericen-*
retur, accurrantes pro satellitio erant, quan-
doque usque ad vestiarium sacrum comita-
ti. Quis tunc Bernardo animus? plenus
Y 4 dolο-

dolore, & verecundo rubore perfusus. Sæpe, ajebat, vilissimum quoque mancipium propter insignia vestemque in honore esse; ita hanc officiosæ charitatis significacionem non sibi, sed religiosæ vesti potius exhibet. Interrogatus aliquando, verane esset fama, quæ ferebat, tot Veneris mancipia illius horatu & ope ad castimoniæ leges traducta. JESVS CHRISTVS, inquit, multum fecit per hunc peccatorem; nec aliud adjecit,

§. XII.

*Multa sibi
arvinitus
concessa ce.
lat mune-
ra.*

*Gaudet sui
contemptu*

Multa interim Cæli dona sibi concessa operosè premebat, & clam alijs habere non parùm adlaborabat; atque uti plausum laudésque humanas à se strenuè repellebat, ita ludibria & contemptum, quoties se ferebat occasio, obvijs ulnis amplectebatur. Neque deerat tot annorum curriculo copiosa & frequens contumeliafum seges; dū alij mente captum, alij exoticum & præ- posteræ pietatis hominem, nonnemo hypocritam notabat; has ergò Bernardus, cui Scopulus inter undas risit, arbitratus nihil suo nec malum, nec bonum inesse: sceleribus autem suis nullam pœnam vel despiciantiam æquari posse. Enimvero qui saniore pollebant judicio (inter quos etiam Se-

Seminariæ Dux) Bernardi obrēctatores
vesperilionibus accensēbant ; quòd tam
claros virtutis radios tenebricōlis ferre ocu-
lis non possent.

§. XIII.

Objurgatus à triclinij præfecto, quòd
serijs ceteris velut eximius, suique arbitrij ^{Inter con-}
homo ad mensam veniendo alijs negotium ^{tumeliarū}
facesseret minimè necessarium , variisque ^{imbræ se-}
hanc ob causam à tetrico Fratre imperitus
disterijs, ipse tam blandè molliterque paucis
veniam rogando iratum demulxit, promptus
etiam cibo abstinere, ut qui aderant, tantum
demissione Patris ceperint solatij , quan-
tum rustica alterius indignatione justi do-
loris & offendæ.

Nunquam de alijs questus, nullam de-
testavit pœnam , etiam nullo suo merito
inflictam : quin à moderatoribus persæpe
magnis precibus expressit , ut publicâ ob-
jurgatione suas sibi culpas exprobrarent,
& delinquentem non perfuntoriè puni-
tent.

§. XIV.

Tibur proficiscenti occurrit rusticana-
fæx, & quòd humili asello vectum, maléque

Y 5

ac-

accinctum lento passu iter agentem cerne-
ret; cachinnis liberaliter accepit. At ille
nihil stomachatus substitit, hilariterque ar-
ridens: Jure vos, ajebat, ô frates mei, lepi-
dum hoc spectaculum oblectat. res sanè no-
va est, asello asinum insidere. ita dixit, &
cœprum iter tanto lætior, quanto contem-
prio est prosecutus.

*succeſſet
ſororibus
ob ſuam
effigiem
apud ipſas
deprehen-
ſam.*

*Per eam
tamen ab-
ſens opem
praefat.*

Sororibus contrâ suis non leviter ſu-
censuit, quod præposterâ honoris signifi-
catione ſibi graves eſſent. Hæ, quia tam
chari fratris aspectu ægrè carebant, doctæ
manūs penicillo ſuis illum coloribus ad vi-
vum exprimi fecerunt. Idubi Bernardum
advertisit, non modò virgineo ſuffusus ru-
bore vultum pinxit; verùm etiam adeò ex-
arſit, ut hanc non eſſe hominis, ſed asini ef-
figiem diceret: adjectis insuper minis, niſi
eam procùl hinc ex omnium oculis au-
ferrent, ſe in ſororum amplius conſpectum
oculósque non venturum. quare ne optimi
Patris privarentur alloquio, picturam inter-
ea clàm alicubi absconditam aſſervârunt.
Et profuit religiosè, ut par erat, aſſervâſſe.
Cùm enim Bernardus multò pòſt Romæ
degeret, & anni labentis sterilitas totâ Siciliâ
angustam feciſſer annonam, etiam opu-
lentas quásque familias premebat ſeu penu-
ria, ſeu famis metus. Itaque ſorores illam

Pa-

Patri imaginem è muro detraetam pleno fiduciæ animo, ceu ipsummet præsentem, venerantur, & in hæc verba rogant. Non te later, Pater, imminens famis periculum: neque nescis, non esse nos, familiamque nostram esurire doctam. Fac ergo quod Patrem, fratrémque addecet, atque id parum, quod in arca est, frumenti, da ut in annua sufficiat: ita Bernardi iconem in frumentariam cistam includunt, non nullo sanè pietatis speique fructu. Etsi enim totius anni cursu, quantum in familiam decem præcipue capitum, totumque famulitium necesse erat, frumenti, ad quotidianos usus promebatur, inò & ad amicas aedes persæpe, & quot sabbathis panes aliaque ex farre munuscula muliebris amicitiae symbola mittebantur; exeunte tamen anno, tantum superfuit frumenti, quantum sufficeret etiam in consequentem: quod illustris femina Victoria de Toledo, suis met oculis spectavit, totoque priore anno ejusmodi donis honorata tantæque rei conscientia, non immitò est admirata.

§. XV.

Magno tam sui deprimendi, quam Cæliibus se gratum exhibendi studio, quæ

*Quæ præ-
clarè gesse-
rat, caliti-
bus adscri-
bit.*

Deus ad ipsius preces mira patrabat, Divis suis ipse tribuebat. Patiebatur nonnemo diurni morbi reliquias, adeò scilicet immanes capitis cruciatus, ut veluti gemino confixus clavō ne oculos quidem atcole re posset. Hic cùm ad Patrem auxilium rogaturus venisset: quid tu? inquiebat ille: erras planè, si medicum me arbitraris. juvabo tamen, ut possüm. Deinde imposita ægio capiti manu, ductaque in crucis formam dextera, Bernardus te tangit, ait: Antonius te sanat. Vix ista dixerat, & omnis evanuit dolor, nunquam postea reversus.

Ambustam curat manus. Coquum tora sibi ambusta manu perculsum, & jam se mori clamitarem, jussit eam proximæ S. Onuphrijj imagini applicare, ut à se tanti prodigi gloriā amoliteretur. Obtemperavit coquus, & evanescente statim dolore, nec nisi parvo adustionis vestigio remanente latus sanusque cibos apparavit, minimè dubius, cui sanitatem in acceptis ferret.

§. X V I.

Claudo gressum tribuit.

Catanæ Syracusanus quidam mendicus, cui non nisi subalaribus fulcris male nixo, pedes & reliquum corpus ægrè moliri concessum erat, Bernardum evocaverat;

&c.

& calamitati suæ per omnia sacra remediū rogitarerat. Itaque Pater mendicabulum ad se propius accersit, mediōque inter se, & nobilem è Todeschorum familia vitam, loco statuit, iherum tertiumque interrogat, verēne ac serio credat, se ope nutiūque Dei, suā, Parris, operā consanari posse: illōque jam tertium affirmante, se enim vero, & credere, & sperare: manus primū capiti imponit, dein humeros, latera, ac demum genua, tibias, & has quidem totas non ociosè suis palmis pertractat, viro nobili multū admirante reisque exitum præstolante: denique ad S. Antonij, & Agathæ abi-
re, ac sine hæsitatione se sanum & credere,
& dicere imperat. His erectus monitistotus alacer, fide plenus mendiculus abit, non jam testudinēo, ut solebar, gradu, sed celeri & expedito: imperata facit, se pro fano haber: dum habet, facit: intra tertium diem grallas abicit, duobus modò pe-
dibus contentus tertium quartūmque non requirit; sed passim enunciat, sequōd suis incedat pedibus, id mirificis Bernardi ma-
nibus debere.

§. XVII.

Sub annum 1598. Joanna de Leonardo ^{Fulmine} percussam
in æde sacra, fulmine percussa est, iactu sanat.
mor-

mortifero, et si in speciem innoxio fatuo-
que: qui quam non abstulit vitam, ipsa
morte fecit acerbiorem; namque superne
ingressum, tactaque lipsanotheca, per si-
nuosas vestes vario itinere ad tibiam dela-
plum per calceum erupit, latere dextro fa-
dum in modum perstricto, & tibiâ graviter
vulneratâ, miseram sine sensu, vitam inter &
mortem destituit. Accessit & alia vix audi-
ta ad eum diem calamitas, quod ex eotem-
pore quartâ & vigesimâ quavis ab ictu ho-
râ, rursus ægrotâ, ceu denuò de cælo tactâ,
emoriebatur, sanguis è vena missus torum-
que corpus sulphureum fætorem exhala-
bat. Fluxerat jam quartus mensis, incal-
sum adhibitis Medicorum artibus, quibus
neque sulphuris odor abstergi, neque cura-
ri vulnus potuit; cum eò loci delatus for-
tè Bernardus, opémque postulatus imposi-
tis super ægrotæ caput manibus, precibus
lacrimisque fusis monuit Divo Antonio Pa-
tavino deinceps ut devora viveret. Neque
aliud adjunxit. Illa cum sulphureas toto
triduo sudâsset stillas, eo præterlapsò abje-
ctisque, quas fulmen pervaferat, vestibus, ex
vulnere simul & ictu fulminis absque ullo
medicamine convaluit; non minore Ber-
nardi, quam Divi Antonij gloria; perinde
enim est, sive Antonius per Bernardum, sive

hic per illum tam prodigiosa fecerit: tan-
tisque Bernardus magis gloriosus est, quan-
tò, ut magis in Antonium pius esset, minùs
voluit esse gloriosus.

§. XVIII.

Quantum verò hæc Bernardi mode-
stia valuerit ad superbos inferorum genios *Damoni*
strenuè flagellandos, in hunc modum inno-
gravis est
Bernardi
demissio.
uit. Premebat fortè Bernardus malum in
obsessâ muliere tyrannum, atque ut exce-
deret, pro imperio jubebat. Cùm ille col-
lectam spurci oris salivam se in adstantium
faciem conjecturum, aut saltē in corpus
alicujus, qui præsentes aderant, ingressurum,
protervè minitatur. At Pater: ecce tibi
neam frontem: hanc conspue; viliorem
non habet mundus locum: en tibi corpus
meum, non indignum tali hospite domici-
lium. Itaque hanc viri modestiam non
ferens superbis spiritus, illæsis omnibus
excessit, apertè faslus, in corpus tam san-
ctum, ut erat Bernardi, se nunquam ingre-
furum. Aliàs quoque Dæmonem ex ob- *Et fugere*
fesso sola Bernardi demissio fugavit. Cùm *cogit.*
enim superbis ille spiritus, ut Bernardum
tumidæ mentis veneno afflaret, ex Energua-
meno immensis illum laudibus effarer, &
quid.

quid, ages, miseranda Catana? exclamaret,
modò Bernardus Romam a vocatus est, ad res
maximi momenti conficiendas. Non agnoscit
gemmae premium, quod in capite fers, ideoque
non satis aestimas. Sub lacera veste, crede mihi,
nobilem tegit animam, nec scientia nec sa-
cralitate ulli secundam. æterna illi debetur me-
moria; quia magnus est Sanctus. Ad quod
Bernardus paucis respondit, plus sua sibi
peccata, quam virtutes notas esse. atque ita
momento citius ex humano corpore arro-
gantem spiritum, tantæ scilicet sui despi-
cientiae omnino impatientem profugere
coegerit.

¶. XIX.

Evénit etiam ut Bernardo ruborem ex-
cueret niger Cerberus. Cùm enim acris ab illo stringeretur, ut obsidione liberaret
hominem, exclamavit, Bernarde, nî cessas
faciam certè, ut egregiè erubescas: ille ar-
bitratus sua sibi peccata fortè exprobrandis
se & mereri, & percupere dixit. Tum dia-
bolus audire, ad circumfusam turbam alii
Hic Bernardus super asserem cubabit. Et ve-
rò Bernardum hoc dicto, in ruborem dedit
ad suas laudes strenue semper erube-
scen tem.

CA